

Aalisakkanit nioqququtissianik uillunillu uumasunik il.il. kiisalu taakkunannga saniatigut tunisassianik aamma saniatigut tunisassiat taakku atorlugit tunisassianik nunamit isumaqatigiissutip avataaneersumit eqqunneqartunik killeqarfimmi nakkutilliivimmi uumasut nakorsaattut nakkutilliinermut suleriaatsit pillugit Kalaallit Nunaannut nalunaarut

Inuuussutissat pillugit inatsisip Kalaallit Nunaanni atortuulersinneqarnissaanik peqqussut nr. 523, 8. juni 2004-imeersumi § 49, imm. 2, § 53, imm. 2-4, §§ 57-59 aamma § 69, imm. 3-4-miittut aamma uummasuni nappaatit tunillannartullu pillugit inatsisip Kalaallit Nunaanni atortuulersinneqarnissaanik peqqussut nr. 524, 8. juni 2004-meersumi § 20, § 35, § 40 aamma § 41, imm. 2-3-miittut naapertorlugit aalajangersarneqarpoq:

Atuuffia nassuaatillu

§ 1. Nalunaarummi matumani pineqarput aalisakkanik nioqququtissianik uillunillu uumasunik il.il. kiisalu taakkunannga saniatigut tunisassianik aamma saniatigut tunisassiat taakku atorlugit tunisassianik nunamit isumaqatigiissuteqarfiup avataaneersumit eqqunneqartunik killeqarfimmi nakkutilliivimmi suleriaatsit.

§ 2. Nalunaarummi matumani pineqartut ima paasineqassapput

- 1) tunisassiat: aalisakkanik nioqququtissianik uillunillu uumasunik il.il. saniatigut tunisassiat aamma saniatigut tunisassiat taakku atorlugit tunisassiat
- 2) aalisakkanit nioqququtissiat: uumasut tarajulimiut imermiullu (uillut il.il. uumasut kiisalu miluumasut, paarmortut naratsillu tamaasa ilanngunngit), piniagaappata imaluunniit kinguaassioritaappata, kiisalu uumasunit taakkunannga nerineqarsinnaasut, aggoreri tunisassiallu tamaasa,
- 3) uillut il.il.: qimerloqanngitsut marlunnik qaleruallit, kapinartuusalinnik amillit, uumasut puullit aamma siuteqqu imarmiut
- 4) qimerloqanngitsut marlunnik qaleruallit: qimerloqanngitsut marlunnik qaleruallit Lamellibranchiatanut ilaasut, iisatik iitinnagit imaanit nakkartitsisartut
- 5) nunat niueqatigisat: EU-mi nunat, Norge, Island, Liechtenstein, Andorra, Savalimmiut aamma Schweiz. Nunat taakku katillugit taaneqarput niueqatigisat. Immikkoortut uku niueqa-tigisanut ilaanngillat:
 - a) Kunngeqafimmi Spaniami Ceuta aamma Melilla, aamma
 - b) Kunngiitsuuffimmi Frankrigimi nunat nunallu immikkoortui imarpiput akianiittut
- 6) niueqatigiinneq: tunisassianik Kalaallit Nunaannit nunamut niueqatigisamut annissineq
 - a) Kalaallit Nunaanni tunisassiarineqarsimasumik, imaluunniit
 - b) nunanit isumaqatigiissutip avataaneersunit aallaaveqartunik, uumasullu nakorsaasa nakkutilliinerisa kingorna ingerlateqqinnejartut Kalaallit Nunaanni suliffeqarfimmit tigusisumit nunamut niueqatigisamut allamut tuneqqinnejartunik
- 7) nunat isumaqatigiissutip avataaneersut: nunat niueqatigisat avataaniittut
- 8) nassiussat: tunisassiat aalisakkanilluunniit nioqququtissiat uillullu uumasut, uppernarsaammi ingiaqataasumi takuneqarsinnaasutut annertussusillit suliarineqarsimasullu. Aamma

- nassiussisumit ataasiinnarmit nassiunneqarsimasuussapput, assartuummik assigiimmik assartorneqarsimassallutik, tigusisumillu ataasiinnaasumit tiguneqartussaassallutik.
- Naggataagullu uumasut nakorsaannit ataatsimoorlutik misissiorneqassallutik.
- 9) nasisussat assigiaartut: nassiussat nunami niueqatigisami killilersorneqanngitsumik tuniniagassanik eqqussuineq pillugu Kalaallit Nunaanni inatsisinik atuuttunik naammassinnittut
 - 10) killeqarfimmi uumasut nakorsaat: killeqarfimmi nakkutilliivimmi uumasut nakorsaanerat Fødevarestyrelsimit atorfinitsinneqarsimasoq
 - 11) killeqarfimmi misissuisoq: killeqarfimmi uumasut nakorsaat imalluunniit immikkut ilinniagaqarsimasoq pisortat sinnerlugit sulisoq, Fødevarestyrelsimit toqqarneqarsimasoq, umiarsualivinni tunisassiat tulaanneqarfiini killeqarfinni misissuiffinni aalisakkanit nioqqutissianik aamma uillunik uumasunik il.il. nerisassianik, uumasut nakorsatut misissuinissamut akisussaasoq.
 - 12) oqartussaq piginnaatitaasoq: Fødevarestyrelsi imaluunniit nunat allat inuussutissalerinermi uumasullu nakorsaqarnikkut taamaaqataanni oqaassisaaqtua
 - 13) eqqussuisoq: inuk suliffeqarfilluunniit Kalaallit Nunaanni angerlarsimaffeqatoq, tunisassianik imaluunniit aalisakkanik nioqqutissianik uillunillu uumasunik il.il. eqqussuititsisoq imaluunniit niueqatigiinnermi tigusisuusoq, aamma suliffeqarfiit inuussutissalerisut pillugit Kalaallit Nunaannut nalunaarut malillugu Fødevarestyrelsimi eqqussuisutut nalunaarsorneqarsimasoq (suliffeqarfiit inuussutissalerisut pillugit nalunaarut) imaluunniit aalisakkanik nioqqutissianit uillunillu uumasunit il.il. saniatigut tunisassianik aamma saniatigut tunisassiat taakkut atorlugit tunisassiat eqqussornerini uumasut nakorsaanit nakkutilliineq pillugu Kalaallit Nunaannut nalunaarut malillugu nalunaarsorneqarsimasoq.
 - 14) nassiussanut akisussaasoq: nioqqutissianik nunamut eqqussuisoq imaluunniit inuk suliffeqarfilluunniit Kalaallit Nunaanni angerlarsimaffeqartoq, nassiussanillu aalajangersimasunik eqqussinissamut nioqqutissianik nunamut eqqussuisumit piginnaatitaasoq,
 - 15) Akitsuuserivimmi uumasut nakorsaqarnikkut uppernarsaaneq: EF-imi akitsuusiinermi malitassanik eqqussineq pillugu peqqussut (EØF) nr. 2913/92-mi artikel 79-imi nassuiarneqartutut killilersorneqanngitsumik tuniniaanissamut ikaarsaardeq.
 - 16) CVEG: uumasut nakorsaannit uppernarsaat ataatsimoorussaq, eqqussinermi atorneqartussaq, ilanngussaq 3-mi allaaserineqartutut ittoq,
 - 17) Uppernarsaatit pigineqartussat: peqqissutsumit uppernarsaatit, niuerpermutter uppernarsaatit imaluunniit uumasut nakorsaqarnikkut uppernarsaatit, assersuutigalugu uumasut nakorsaasa ilassuttit atsiugaat, EU-mi inatsisit imaluunniit Kalaallit Nunaanni inatsisit naapertorlugit piumasarineqartut.
 - 18) TRACES: EU'p uumasut nakorsaqarnikkut ataatsimoorussamik paassisutissiisarfia, tak. Traces-ip atorneqarnissa pillugu aalajangiineq 2004/292/EU, aamma aalajangiinerup allanngortinera 92/486/EØF, kingullermik aalajangiinikkut 2005/515/EU-ikkut allanngortinneqartoq.

Uumasut nakorsaata nakkutilliinera

§ 3. Tunisassiat kiisalu aalisakkanik nioqqutissiat uillullu uumasut il.il. uppernarsaataannik nakkutilliineq nalunaarummut matumunga ilanngussaq 1 malillugu ingerlanneqassaaq, uppernarsaasiinissamullu nalinginnaasumik tunngaviusut ilanngussaq 4-mi aalajangersagaasut uppernarsaatini pigineqartussaasuni malinnejarnersut ilanngullugu nakkutigineqassalluni.

Imm. 2. Pisortatigoortumik misiligtissanik laboratoriemi misissuinerit nalilersueqqissaarnerillu uumasut nakorsaanit misissuisarnerit pillugit kaajallaasitami aalajangersagaasut nalunaarummi matumani ilanngussaq 2 malillugu ingerlanneqassapput.

Uumasut nakorsaanit ataatsimoorussamik uppernarsaat eqqussuinermi atugassaq atorlugu nassiuussat apuunnerat pillugu nalunaarut

§ 4. Nassiuussat nunamut niueqatigisamut apuunnissaat sioqqullugu, nassiuusanut akisussaasup killeqarfimmi nakkutilliivik attumaasuteqartoq nassiuussat apuutilernerannik CVED atorlugu nalunaarfigissavaa.

Imm. 2. Nassiuusanut akisussaasup CVED-p immikkoortua siulleq immersussavaa atsiorlugulu, kingornalu allanneqaqqaarnera assilisaanngitsoq killeqarfimmi nakkutilliivimmut nassiullugu.

Imm. 3. Taamatut iliørerup imm. 1 saneqqutiningikkaa, CVED-ip immikkoortuani siullermi paasissutissat killeqarfimmi nakkutilliisunik isumaqatigiissuteqarluni elektronik atorlugu siumoortumik TRACES-imi nassiuunneqarsinnaapput. Taamaatut pisoqartillugu, paasissutissat elektronikkikut tunniunneqartut CVED-imi immikkoortumi siullermi piumasaqaatinut naapertutissapput.

Suleriaatsit uumasut nakorsaanit nakkutilliisoqarnerata naammassineqarnerani malinneqartussat

§ 5. Nerisassanik aalisakkanik nioqqutissianik uillunillu uumasunik il.il. eqqussuinermi uumasut nakorsaanit nakkutilliineq pillugu Kalaallit Nunaannut nalunaarut aamma aalisakkanik nioqqutissianit uillunillu uumasunit il.il. saniatigut tunisassianik, saniatigullu tunisassianit taakkunangta tunisassianik eqqussuinermi uumasut nakorsaanit nakkutilliineq pillugu Kalaallit Nunaannut nalunaarut malillugu uumasut nakorsaat misissuineq piumasarineqartoq naammassereerpat, CVED-ip immikkoortuata aappaal killeqarfimmi nakkutilliisunit immersorneqassaaq.

Imm. 2. Nassiuusanut uumasut nakorsaanit akitsuuserivimmi uppernarsarneqarneqareersunut CVED-mi allagartaq assilisaanani allaqqaagaasoq immikkoortoq 1 aamma 2-qassaaq, piissusissamisoortumik immersorneqarsimassalluni atsorneqarsimassallunilu.

Imm. 3. Nassiuusanut akisussaasup CVED-ip pappilartaa assilisaanngitsoq nassiullugu imaluunniit elektronikkikut nassiussat uumasut nakorsaanit imm. 1 naapertorlugu uppernarsarneqarsimanerat pillugu killeqarfimmi nakkutilliivimmi akitsuuserisutut oqartussat ilisimatissavai.

Imm. 4. Nassiuussat akitsuuserivimmi uppernarsarneqareerpata, CVED-p allaqqaarnerata assilisaanngitsup nassiuussat apuutiviffissaata tungaanut ingiaqataatinissaa nassiuusanut akisussaasup qulakkiissavaa.

Imm. 5. Killeqarfimmi nakkutilliisut inummut nassiuussat assartornerannut akisussaasumut CVED-p assilineranik nassiuussissapput.

Imm. 6. Uumasut nakorsaanit allagartaq assilisaanani allaqqaagaasoq, imaluunniit allatigut peqqissutsimut uppernarsaat nunami isumaqatigiissutip avataaniittumi oqartussanit piginnaatitaasunit atsorneqarsimasoq, nassiuussallu tikinneranni ingiaqataatinneqartoq, kiisalu CVED-p assilineqarnera killeqarfimmi nakkutilliisut sivikinnerpaamik ukiuni pingasuni toqqorsimassavaat. Nassiuussat aqqlusaaginnartillugit imaluunniit nassiuussat assigiinngiiaartuuppata quersuarmilu akitsuuserfiusanngitsumi uninngatitaagallartussaallutik, apuuffissaviallu nunat niueqatigisat avataaniilluni, uppernarsaatit assilisaanngitsut pigineqartussat nassiuussat tikinneranni ingiaqataatinneqartut, taamaallaat assilineqarneri killeqarfimmi nakkutilliivimmit toqqorneqassapput.

*Nassiussat akitsuuserisunit suli nakkutigineqartillugit uumasut nakorsaannit akitsuuserivimmi
uppernarsarneqarsimappata, suleriaatsit malinnejartussat*

§ 6. Nassiussat killeqarfimmi nakkutillivimmi uumasut nakorsaannit pitsasumik inerneqartumik misissorneqareersimasut, sulili akitsuuserisunit nakkutigineqartut piffissamilu kingusinnerusumi killilersorneqanngitsumik tuniniarneqartussat, suleriaatsinik imm. 2-mi, 3-mi aamma 4-mi taaneqartunik malinninnissaat nassiuissanut akisussaasup qulakkiissavaa.

Imm. 2. Nassiussat suliffeqarfimmi ataatsimi amerlanerniluunniit akitsuuserisunit suli nakkutigineqartillugit, nassiuissanut akitsuuserneqarnissaasa tungaanut CVED-mi allagartat assilisaanngitsut nassiuissanut ingiaqataatinneqarnissaat nassiuissanut akisussaasup qulakkiissavaa.

Imm. 3. Siullermeertumik akitsuusiinermi nassiuissanut akisussaasup CVED assilisaanngitsoq akitsuuserisut allaffiamnut, suliffeqarfimmuit nassiuissanut sumiiffigisaanniitumut akitsuusiinermut akisussaasumut takutissavaa. Tamanna Fødevarestyrelsip akuersineratigut elektronikkikut pisinnaavoq.

Imm. 4. Imm. 3 malillugu akitsuusiinissaq pillugu noqqaasoqarsimappat nassiuissanut akissusaasup

- 1) nassiuissanut ingiaqataatinneqartup CVED allagartap assilinera toqqorsimassavaa
- 2) ulloq nassiuissanat tiguneqarfiat nalunaarsorlugu aamma
- 3) uumasut nakorsaqarnikkut akitsuusiinermut akuersissuteqarnerup ullua, imaluunniit nassiuissanat agguarneqarsimappata, tamanna pillugu ullut assigiinngitsut nalunaarsorlugin, tak. § 7.

*Nassiussat assigiaartut, akitsuuserisunit nakkutigineqartut, immikkoortitigaasimappata suleriaatsit
malinnejartussat*

§ 7. § 6, imm. 1-impi pineqartut nassiuissanut assigiaartut immikkoortitigaasimappata, nassiuissanut akisussaasup CVED allagartap assilisaanngitsup nakkutillinermut oqartussanut, suliffeqarfimmuit immikkoortiterisumut akisussaasumut takutinnissaa isumagissavaa.

Imm. 2. Namminersorlutik Oqartussani, Aningaasaqarnermut Naalakkersuisoqarfiup ataani Akileraartarnermut Aqutsisoqarfik, CVED-p nassiuissanut immikkoortitigaasut ilaannut ataasiakkaanut ingiaqatigitinneqartup assilisaanngitsup assilineqarneranik uppernarsakkamik tunniussisinnaavoq, tassani amerlassutsikkut oqimaassutsikkulluunniit allannguinerit pillugit paasissutissat ersersinneqarlutik.

Imm. 3. Nassiussat sumiiffisisinnaanerat qulakteerniarlugu suliffeqarfimmi nassiuissanut immikkoortiterneqarfianni pisortap nassiuissanut immikkoortui assigiinngitsut pillugit nalunaarsuinissaanik Akileraartarnermut Aqutsisoqarfik piumasaqarsinnaavoq.

Imm. 4. Suliffeqarfimmi nassiuissanut immikkoortiterneqarfianni, imm. 2-mi taaneqartumi aqutsisup nalunaarsukkut imm. 3-mi taaneqartut aamma CVED-ip assilineri, ullormiit nassiuissanut ilaasa kingulliit suliffeqarfimmuit anninneqarneranit sivikinnerpaamik ukiuni pingasunit toqqorsimasuutigissavai. Nalunaarsukkut assilinerilu piumasaqartoqarneratigut Akileraartarnermut Aqutsisoqarfimmuit takutinneqassapput.

Atuutitsinermut oqartussanut allanut ataqtigisaaarineq

§ 8. Nassiussat nunanut niueqatigisanut eqqunneqartut tamarmik uumasut nakorsaannit misissorneqarnissaat qulakteerniarlugu, Fødevarestyrelsip aamma nunani niueqatigisani ataasiakkaani killeqarfintti uumasut nakorsaasa suliniarnertik atortuutsitsinermut oqartussanut allanut ataqtigisaaassavaat, takkununnga Akileraartarnermut Aqutsisoqarfik ilanngullugu,

taamaalilluni nassiussat pineqartut equnneqarneri pillugit paasissutissat atuumassuteqartut tamarmik katersorneqassammata. Tassani pingaartumik pineqarput:

- 1) paasissutissat akitsuuserinerimi oqartussanit pissarsiarineqarsinnaasut
- 2) umiarsuit timmisartullu nalunaaruteqarneri pillugit paasissutissat
- 3) paasissutissarsiffit allat umiarsuartigut timmisartutigullu assartuiffinnit pissarsiarineqarsinnaasut.

Paasissutissaasivinnut isersinnaaneq aamma paasissutissiisarnikkut atortorissaarutinik ilanngutsitsineq

§ 9. § 8-mut atatillugu Akileraartarnermut Aqutsisoqarfimmit pissarsiarineqarsinnaasunik paasissutissaasivinnut imaluunniit taakku ilaannut attuumassuteqartunut Fødevarestyrelsi isersinnaassaaq.

Imm. 2. Paasissutissiisarnikkut atortorissaarutit, Fødevarestyrelsimit atorneqartut, paasissutissat isumannaatsuunissaat nangaassuteqaatigalugu, paasissutissanik nuussisarnerup sukkassusia annertusiniarlugu Akileraartarnermut Aqutsisoqarfiup aamma inuussutissarsiortut atortuinut attuumassuteqartunut ajornanngippat naleqquppallu ilanngutinnejartariaqarput.

Elektronikkikkut akuersissutit atorneqarneri

§ 10. Pisuni assigiinngitsuni nalunaarummi matumani allaaserineqartutut CVED-imik suliarinninneq, atuineq, nuussineq toqqorsimatitsinerlu TRACES atorlugu pisinnaavoq.

Pineqaatissiinerit il.il.

§ 11. Inatsisit allat malillugit pisuutinneqarluni annertunerusumik pineqaatissiisoqanngippat tulliuttunik unioqqutitsisoq akiliisitaasinhaavoq

- 1) § 4, imm. 1-2-mik, § 5, imm. 3-4-mik, § 6-mik, imaluunniit § 7, imm. 1-imik imaluunniit 4-mik unioqqutitsisoq imaluunniit
- 2) killeqarfinni nakkutilliisunut § 4, imm. 3 malillugu isumaqtigiissutinik sumiginnaasoq.

Imm. 2. Ingerlatseqatigiiffit il.il. (inatsisitigut pisinnaatitaasut) imm. 1 malillugu akiliisitaasinhaapput.

Atuutilersitsineq

§ 12. Nalunaarut manna ulloq 25. april 2014-mi atuutilersinneqarpoq.

Fødevarestyrelsi, ulloq 15. april 2014

ESBEN EGEDE RASMUSSEN

/ Jan Thiele